

## Lembaran Kerja

### Bahasa Melayu Tahun 4

#### Tema 4: Kebudayaan, Kesenian dan Estetika

##### Bahagian A

Pilih jawapan yang betul.

1. Hanisah sedang asyik menonton televisyen di \_\_\_\_\_.

A) ruang makan  
B) ruang keluarga  
C) ruang tamu  
D) ruang dapur



2. “Pak Seman menggunakan \_\_\_\_\_ untuk menebang seponon pokok rambutan yang berdekatan dengan rumahnya,” kata Samad kepada Encik Musa.

A) pisau  
B) parang  
C) gergaji  
D) kapak

3. Ibu bapa perlu mengawasi anak-anak mereka ketika bermain \_\_\_\_\_ tidak ditimpa kemalangan.

A) agar  
B) serta  
C) apabila  
D) tetapi

4. Selvi \_\_\_\_\_ bimbang sekiranya dia gagal dalam peperiksaan.
- A) betul
  - B) lalu
  - C) benar
  - D) agak
5. \_\_\_\_\_, malang nasib pengemis itu!
- A) Hai
  - B) Aduhai
  - C) Aduh
  - D) Wahai
6. Pilih ayat dengan menggunakan tanda baca yang betul.
- A) "Saya pasti pergi ke rumah awak jika ada masa lapang", kata Ahmad kepada Rusdi.
  - B) "Saya pasti pergi ke rumah awak jika ada masa lapang," kata Ahmad kepada Rusdi.
  - C) "Saya pasti pergi ke rumah awak jika ada masa lapang." Kata Ahmad kepada Rusdi.
  - D) "Saya pasti pergi ke rumah awak jika ada masa lapang". kata Ahmad kepada Rusdi.
7. Wajah pasangan kembar itu seiras.
- Perkataan seerti bagi perkataan yang bergaris ialah
- A) sekata
  - B) sejenis
  - C) selaras
  - D) serupa

8. Rumah saya menjadi \_\_\_\_\_ apabila bekalan elektrik terputus.

- A) gelap – gelap
- B) gelap – gelita
- C) gelap – gempur
- D) gelita – gempur

9. Pemandangan di pantai ini indah \_\_\_\_\_.

- A) paling
- B) terlalu
- C) agak
- D) sekali



10. Tayar kereta ayah \_\_\_\_\_ ke dalam lumpur dan tidak dapat bergerak.

- A) terbebam
- B) terdedam
- C) terbedam
- D) terbenam

## Bahagian B

Jawab semua soalan berikut.

Sekolah Wawasan menempatkan dua atau tiga buah sekolah rendah yang berlainan aliran dalam satu kawasan yang sama. Mereka berkongsi beberapa kemudahan fizikal di sekolah tersebut. Sekolah Wawasan bertujuan untuk memupuk integrasi di kalangan pelajar yang berlainan bangsa dan agama bagi melahirkan perpaduan di peringkat sekolah.

Fokus yang utama di Sekolah Wawasan adalah untuk meningkatkan tahap perpaduan rakyat yang berbilang kaum di negara ini. Semangat perpaduan ini perlu dipupuk dari peringkat sekolah rendah lagi. Idea Sekolah Wawasan ini akan memberikan sumbangan yang positif ke arah perpaduan nasional.

Masyarakat berbilang kaum di negara ini adalah unik. Kita memerlukan perpaduan bagi mewujudkan suasana yang harmoni dan stabil. Keamanan dan perpaduan ini perlu dikekalkan supaya dapat menjamin kestabilan politik. Justeru, setiap ahli dalam masyarakat perlulah menyumbang kepada integrasi dan perpaduan kaum.

Walaupun Sekolah Wawasan hanyalah satu perubahan terhadap fizikal sekolah, namun adalah menjadi harapan kerajaan agar warga sekolah tersebut dapat mewujudkan perpaduan di kalangan mereka.

1. Apakah matlamat Sekolah Wawasan diwujudkan? (2 markah)

---

---

2. Mengapakah Sekolah Wawasan perlu meningkatkan tahap perpaduan rakyat?  
(4 markah)

(i) \_\_\_\_\_

(ii) \_\_\_\_\_

3. Adakah anda bersetuju bahawa sekolah adalah tempat yang melahirkan perpaduan di kalangan murid? Mengapa? (4 markah)

---

---

---

### **Bahagian C**

Anda diminta menghasilkan satu hidangan makanan tradisional dengan bantuan orang dewasa. Sila sertakan gambar-gambar atau video klip sepanjang proses tersebut sebagai bukti sokongan. (10 markah)

## **Skema Jawapan**

### **Lembaran Kerja**

#### **Bahasa Melayu Tahun 4**

#### **Tema 4: Kebudayaan, Kesenian dan Estetika**

##### **Bahagian A**

1. C
2. C
3. A
4. D
5. B
6. B
7. D
8. B
9. D
10. D

##### **Bahagian B**

1. Matlamat Sekolah Wawasan adalah untuk memupuk integrasi di kalangan pelajar yang berlainan bangsa dan agama bagi melahirkan perpaduan di peringkat sekolah.
2. - memberikan sumbangan yang positif ke arah perpaduan nasional  
- supaya dapat menjamin kestabilan politik  
- mewujudkan suasana yang harmoni dan stabil (Pilih 2 jawapan sahaja)
3. Ya, saya bersetuju bahawa sekolah adalah tempat yang melahirkan perpaduan di kalangan murid kerana sekolah mempunyai pelajar yang berbilang kaum dan agama. Ini membolehkan murid untuk mengetahui latar belakang dan lebih memahami pemikiran antara satu sama lain bagi mengekalkan amalan perpaduan. (Mana-mana jawapan yang sesuai)